

Arubaanse Padvindsters Gilde:

A celebra nan 74 aña di existencia na Aruba



Den cuadro di celebracion di nan 74 aniversario, e organisacion di de Arubaanse Padvindsters Gilde, cu tin como meta desaroya y educa nos hobennan mucha muhe di Aruba y prepara nan pa ta e futuro profesionalnan di Aruba, pa por integra den nos comunidad como profesionalnan, a organisa diferente actividad social y educativo cu a tuma luga den caya grandi di Oranjestad diasabra ultimo.

Por a mira con e diferente gruponan di diferente districtonan, e.o. Santa Theresita Groep di San Nicolas, Jean d'Arc Groep di Savaneta, Beatrix Groep di Dakota, Imelda Groep di Noord, Pos Chikito y Santa Cruz a bini hunto y a trece un ambiente di otro mundo den caya grandi.

Turistanan, mayornan, trahadonan di e diferente pacusnan y mas a sali pafu pa presencia e diferente actividadnan p.e. a duna demostracion di E.H.B.O., Kampvuur, tur esaki a compana pa e



drumband di e hobennan di APG

E actividadnan a wordo prepara pa e comision di programa y ehecuta pa e leidster di e diferente gruponan. Mas o menos un 200 mucha entre 4 y 17 aña a trece un

ambiente di punta pa y tur hende a gosa un mundo. Un pabien na tur e Bellisima's (4-7 aña), Kabouter (7-11 aña), Padvindster (11-17 aña), tur leidster y directiva cu e celebracion di 74 aña. □